




Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0015829 18

Sarajevo, 01.07.2022. godine



SUDU BOSNE I HERCEGOVINE

Sudiji za prethodno saslušanje

Na broj: S1 2 K 028789 18 Krn

SARAJEVO

Na osnovu člana 35. st. 2. tačka i), čl. 226. stav 1. i člana 227. stav 1. ZKP-a BiH, podižem:

OPTUŽNICU

PROTIV:

SULEJMANA MUJOVIĆA,

rođenog [REDACTED] 1965. godine u

[REDACTED] opštini Novi Pazar, Republika Srbija,

[REDACTED] državljanina

[REDACTED] Bosne i Hercegovine,



[REDACTED]

Zbog postojanja osnovane sumnje da je SULEJMAN MUJOVIĆ:

postupajući u ime pravnog lica **Čat-Trade d.o.o. Kalesija**, a za sopstvenu korist, i to u svojstvu lica ovlaštenog za zastupanje tog pravnog lica-prokurista bez ograničenja ovlaštenja, te osobe koja je efektivno upravljala kompletnim poslovanjem pravnog lica Čat-Trade d.o.o. Kalesija, u namjeri izbjegavanja plaćanja davanja propisanih zakonodavstvom BiH-poreza na dodatu vrijednost, upravljao poslovanjem pravnog lica Čat-Trade d.o.o. Kalesija na način da je, u periodu 2015-2017. godina ostvario oporezivi promet u ukupnom neto iznosu (bez PDV-a) od 447.956,47 KM, koji nije evidentirao u poslovnim knjigama društva, uključujući knjigu izlaznih faktura, odnosno navedeni promet i pripadajući izlazni PDV u iznosu od **76.152,60 KM** i prihod po istom prometu je propustio prikazati, obračunati i prijaviti putem podnesenih prijava samooporezivanja Upravi za indirektno oporezivanje, na način da je pravno lice Čat-Trade d.o.o. Kalesija:

- izvršilo prodaju proizvoda pravnom licu [REDACTED] po fakturama brojeva i datuma: [REDACTED]

[REDACTED] na kojima je ukupno prikazan i obračunat PDV u iznosu od od **36.199,80 KM**, od čega se na 2015. godinu odnosi 3.060,00 KM, na 2016. godinu 30.141,00 KM, na 2017. godinu 2.998,80 KM

- izvršilo u 2015. godini prodaju proizvoda za koji promet nije sačinilo niti izdalo fakture, a koji je promet evidentiralo putem fiskalnog uređaja, te na koji promet od 176.669,48 KM, u kojem je sadržan PDV, koji predstavlja razliku prometa iskazanog na fiskalnom uređaju i bruto vrijednosti prometa prikazanog na PDV prijavama, je propustilo obračunati i PDV prijavama obuhvatiti pripadajući izlazni PDV u iznosu od **25.669,00 KM**

-na utvrđeni manjak sirovina i materijala, gotovih proizvoda i proizvoda u obradi i doradi (neprikazanu realizaciju) na dan 31.12.2017. godine u vrijednosti 84.022,36 KM propustilo prikazati, obračunati i u PDV prijavama obuhvatiti obavezu izlaznog PDV-a u iznosu od **14.283,80 KM**, od čega se 8.428,49 KM odnosi na manjak sirovina i materijala, 1.329,59 KM na manjak gotovih proizvoda i 4.525,70 KM na manjak proizvoda u obradi i doradi,

od kojeg ukupnog iznosa od **76.152,60 KM** neprikazanog i neprijavljenog PDV-a se na 2015. godinu odnosi iznos od 28.729,00 KM, na 2016. godinu iznos od 30.141,00 KM i na 2017. godinu iznos od 17.282,60 KM

te je Sulejman Mujović, na ime formalnog direktora pravnog lica Čat Trade, [REDACTED] u pojedinim slučajevima svojeručno izvršio, a u drugim, djelujući nalogodavno, pribavio od drugih lica ovjeru, otiskom pečata tog pravnog lica i potpisima, PDV prijava pravnog lica Čat-Trade d.o.o. Kalesija za navedeni period 2015-2017. godina sa netačnim podacima o obavezi PDV-a, odnosno davao je lažne podatke o stečenim oporezivim prihodima, koje je predao na evidentiranje u knjigovodstvu pravnog lica, čime je nezakonito i neosnovano umanjio poreznu (PDV) obavezu tog pravnog lica, te izbjegao prikazivanje, obračun, prijavu i plaćanje izlaznog PDV-a u opisanom iznosu od 76.152,60 KM, u kojem iznosu je oštetio Budžet BiH, postupajući protivno odredbama članova 38., 39. Zakona o PDV-u (Službeni glasnik BiH, broj 09/05, 35/05, 100/08, 33/17), te u pogledu utvrđenog manjka protivno i odredbama člana 5. stav 1. Zakona o PDV-u i člana 11. Pravilnika o primjeni Zakona o PDV-u (Službeni glasnik BiH, broj 93/05, 21/06, 60/06, 06/07, 100/07, 35/08, 65/10, 85/17)

Dakle, Mujović Sulejman, u svojstvu prokuriste-osobe ovlaštene za zastupanje pravnog lica Čat-Trade d.o.o. Kalesija, bez ograničenja ovlaštenja, upravljao je inkriminiranim poslovanjem pravnog lica Čat-Trade d.o.o. Kalesija u periodu januar 2015-decembar 2017. godine, na način da je izbjegao platiti davanja propisana poreznim zakonodavstvom Bosne i Hercegovine pružanjem lažnih podataka o činjenicama koje su od uticaja na utvrđivanje iznosa obaveza, a iznos poreza čije se plaćanje izbjegava prelazi iznos od **50.000,00 KM**.

Čime je, svim gore opisanim radnjama, Mujović Sulejman počinio krivično djelo Porezne utaje ili prevare iz člana 210. stav 3. u vezi sa stavom 1. u vezi sa članom 54. KZ BiH, (Službeni glasnik BiH broj 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15 i 35/18).

TUŽILAŠTVA - TUŽITELJSTVA BiH